

Isolara Sima Nigiparangko **Dilahama?**



Amazing Facts
Poraiani

24



Adita

sak an-tangtango katchinikgipa ine a-kanggiparang rang-gitik nakatbatoke muni nangatgipa kattarangko agananichi, sagiparangko an-sengatanichi, sigiminrangko tangchaatanichi, salgioni wa-alrangko ga-akatanichi, aro nang-ni sakgipinrangna donuanirangko parakna man-gipa gisikrangchi mande jinmarangko salgenchimode — na-ara uamango bebera-genchimma?

Na-ara bebera-na nangama? Nang-ni bon-kamgipa baseanian nang-ni kakketgipa aro tol-gipa katchinikgiparangko dingtanggrikatna amani bil baksa chapchap nangrimani ong-naba donga. Uni gimin iani bidingo Sastroara maikomancha agana uko ma-sina ian nangchongmotbegipa ong-a!

1

A-gilsakni chon-kaman salrango kakketgipa katchinikgiparang ong-katgen ine Sastro aganama?

“Aro Isol aganaha, Chon-kaman salo indake ong-gen, Anga pilak be-enni kosako angni gisikoniko rudapgen. Aro na-simangni depanterang aro na-simangni demechikrang katchinike agangen” (Watatarang 2:17).

Aganchakani: Oe, chon-kaman salrango me- asarang aro me-chikrang dolgnian katchinike agangen (Joel 2:28-32).



2

Jisu, Uni salgichina doango katchinikani on-anirangko, mingbri on-anirang (watatarang, nama kattako aganprangkigiparang, nitimgiparang aro skigiparang) baksa Uni mondolio donaha (Ephesurangna 4:7-11). Maina Isolara ia on-anirangko Uni mondolio donaha?

“Rongtalgiparangko chu-sokatna, dangdike on-ani kamna, Kristoni be-enko rikna” (Ephesurangna 4:12).

Aganchakani: Jisu ia pilak mingbonga on-anirangko Uni rongtalgiparangko chu-sokatna gita on-aha. Ia mingbongaoni jeba dongjagenchimode Isolni bon-kamgipa somoini mondoliko chu-sokatna amja.

3

Sastroni salrango, katchinikani on-anirangkoa mandena on-jama?

Aganchakani: Indake ong-ja. Bang-a me-asarangna katchinikani on-anirangko on-nan baksanAbachenga Isol sakchet me-chikrangnaba on-aha: Anna (**Luk 2:36-38**); Mariam (**Reongkata 15:20**); Debora (**Bichal Ka-giparang 4:4**); Hulda (**2 Rajarang 22:14**); aro Phillipni demechik sakbrina on-aha, jemangan nama kattako aganpraktigiparang ong-achim (**Watatarang 21:8, 9**).



4

Ia on-anirangara Isolni mondolio badita ru-ute donggen?

“Aro Isolni Depanteko bebera-ani aro Uko u-iani nangrimaniona, mande briaona, Kristoni gapani bilsini toaona sokjana kingking” (**Ephesurangna 4:13**).



Aganchakani: Uarang Isolni manderangni nangrimaniona aro brigipa Kristianrang ong-aona donggen – chong-motan, bon-kamaona kingking.

5

Kakketgipa katchinikgiparanga badiaoniko u-ianiko man-a?

“Maina katchinikani agana mandeni skachi pangnaba re-baja; indiba Gisik Rongtalgipani dilako man-gipa manderang Isoloniko agana” (**2 Pitor 1:21**).



Aganchakani: Katchinikgiparang an-tangtangni chanchianiko gisikni bidingo aganja. Uamangni chanchianirang, Gisik Rongtalgipani dilanichi, Jisuoni re-baa.

6

Isol katchinikgiparang baksa minggittam cholrangchi agangrika. Uaranga maiarang?

“Na-simangni gisepo katchinikgipa dongode, nikanio Anga, Jihova, una An-tangko u-iatgen, jumango Anga una agangen ... unbaksa Anga agangrikgen, parake, talgija kattarangchi ong-ja” (**Chanani 12:6, 8**).

Aganchakani: Nikanirangchi, jumangrangchi, ba mikkang pa-anichi.



7

Kakketgipa katchinikgipani nikaniko nikanio mikronchi nikna man-gipa sakkirangara maiarang?

Aganchakani: la namen nangchongmotgipa mingdokko nibo:

- | | |
|--|--|
| A. Abachengao bil be-gen (Daniel 10:8). | D. Nikmitingo agana man-a (Daniel 10:16). |
| B. Ja-mano namen bilakbegipa ong-gen (Daniel 10:18, 19). | E. A-gilsakni samtangtango ong-enganirangko ma-sija (Daniel 10:5-8; 2 Korinthisrangna 12:2-4). |
| C. Bimango rang-sitani dongja (Daniel 10:17). | F. Mikronrang mikrak (Chanani 24:4). |

la mingdok Sastroni sakkirang kakketgipa katchinikgipani mikronchi nikna man-gipa sakkirangko on-a; iarang pilakankode apsan somoio pangnande nikna gita man-jawa. Changsano ia mingdok sakkirangko nikna man-gijaba katchinikgipani nikaniara kakketgipa ong-na man-a.

8

Dal-begipa aiao inmangipa kamrangko ka-aniara katchinikgipako Isoloni ong-a ine sakkiko on-ama?

“Maina uarangan chinrangko dakgipa korerangni gisikrang ong-a” (Parape-a 16:14).

Aganchakani: On-ja. Diabol aro uni dolrangba aiao inmangipa kamrangko dakna man-a. Aiao inmangipa kamara mingsakosan mesoka: uan aiao inmangipa bil ong-a. Indiba uandakgipa bilrang, Isol aro Satan, dolgnionin re-baa (Deuteronomy 13:1-5; Parape-a 13:13, 14).

9

Bon-kaman somoio ong-nasigipa maidakgipa namen kenbegnigipani gimin Jisu mikkrakataniko on-a?

“Maina Kristo dakgiparang aro katchinika dakgiparang ong-kate dal-a chinrang aro aiao inmananirangko mesokgen; maikai, ong-na man-ode, segiminrangkoba brangatgen” (Mati 24:24).

Aganchakani: Isol an-chingko tol-gipa kristo aro tol-gipa katchinikgiparangni gimin mikkrakataniko daka jemangan namen aiao inmanpile manderangni gisikko salgen je Isolni dingtangmancha semanchagiparangna agre uamang pilakkon tol-napgen. Billionrang tol-napako man-gen aro gimagen.

10

Katchinikgipara kakketgipa ong-ama ong-ja iako anga maikai ma-sina man-gen?

“Niam aro sakkichina hai! la katta gita uamang aganjaode, beben uamangna mamung seng-baani dongja” (Isaia 8:20).

Aganchakani: Uamangni skianirango aro kamrangko Isolni katta, Sastrochi cheke niibo. Uamang Sastro baksa meligija skigenchimode aro kam ka-genchimode, indide uamang kakketgipa katchinikgiparang ong-ja aro uamango seng-ani dongja.

11

Sastroo tol-a katchinikgiparangko dingtangmancha janapani aro jegalanirang dongama?



Aganchakani: Oe donga. **Deuteronomy 18:10-12** and **Parape-a 21:8** rango ka-mao janapgipa tol-a katchinikgiparangko jegalani ngang:

- A. Nie u-ia daggipa – sal, ja, askirango nie mikkangchini gimim agangipa.
- B. Montol daggipa – jean sigimin manderangni janggirango okamna man-gipa.
- C. Me-mang muni pigipa – jean sigimin manderangni janggirango rimbae mesokna man-a daggipa.
- D. Sima nigipa – manderangni rasong gopalko agansogipa.
- E. Jarigipa – jean montro ba rosari minge agangipa.
- F. Katchi man-gipa – jean sigimin manderang baksa angangrikna man-a ine a-kanggipa.
- G. Muni pigipa ba montol dakani – me-chik ba me-asa jean mandeni gisikko ma-sia ba jakkalna bil man-a daggipa.

Iarangoni bang-bata tol-a katchinikgiparang sigiminrangko okamna man-a ine a-kangtoka. Tangenggiparang sigiminrangko okamna man-ja ine Sastro rongtalen agana. (Poraiani 10 o sigiminrangni gimim talbate ma-sina man-gen.) la siminrangni janggi dakmikgiparangara namgijagipa sa-grerang ong-a – chong-motan diabol, korerangni gisikrang (**Parape-a 16:13, 14**). Grikgipa robolrang nianirang, jakpa janianirang, bol bijakrangko nie agananirang, sal-ja-askirango nie agansoanirang, aro sigimin janggirang baksa angangrikanirang, iarang pilakan manderang baksa Isolni angangrikani cholrang ong-ja. landakgipa pilakan mitchiani ong-a ine Sastro rongtalen skianiko on-a (**Deuteronomy 18:12**). Namjabatsranganide, jemangan indakgiparang bakko ra-angkuengachim uamangna Isolni songnokni do-gako chipsogen (**Galatirangna 5:19-21; Parape-a 21:8; 22:14, 15**).

12

Kakketgipa katchinikgipani mongsonggipa kamara mondolio bebera-giparangnama, ma bebera-gijagiparangna?

"Katchinike aganani bebera-gijagiparangna ong-ja, indiba bebera-giparangna ong-a" (1 Korinthirangna 14:22).

Aganchakani: Sastro namen rongtala. Katchinikgipani agana kattarang basakoba jinmana ong-genchimoba, katchinikani mongsonggipa kamde mondolinasa ong-a.



13

Bon-kaman-somoini Isolni mondoliaa katchinikgiparang donggenma?

Aganchakani: Poraiani 23 o, Jisu Uni bon-kaman-somoini mondolika talatna gita mingdok pointrangko on-a ine an-ching nikaha. Hai an-ching ia mingdok pointrangko nipiltaina:

- A. Uko AD 538 aro 1798 gisepe parake nikna man-jawa.
- B. Ua 1798 bilsini ja-manosa ong-kataie kam ka-taigen.
- C. Ua Ge-eta Mingchikkungko rakkigen, jean brigipa ge-etani snigipa Neng-takani Salkoba man-chapa.
- D. Uo katchinikgipa donggen.
- E. Ua a-gilsak gimikni missionary mondoli ong-gen.
- F. Ua **Parape-a 14:6-14** o segipa Jisuni minggittam nama kattarangko skigen aro aganprakgen.

Jisuni talatgipa pilak mingdok pointrangan bon-kaman-somoini Isolni dongpitigipa mondolio dongna nanga ine gisik ra-na namen nangchongmotgipa ong-a. Ian katchinikanikoba man-chapa. Uo katchinikgipa donggen.

14

Jensalo na-a pilak on-anirangan donggipa, bon-kaman-somoini Isolni mondolio bakrimon, ua nang-o maikai kam ka-gen?

"Maikai an-ching manderangni togiano budi dake brangani cha-chipilanio, skianirangni pokpeka nangtinggipa aro balwao balpakgipa bi-sarang ong-jawaha" (Ephesurangna 4:14).

Aganchakani: Ua nang-ni toromo janggi tanganiko kaprikgipa ong-gen. Nang-ni bebera-anio na-a ma-sigijagipa aro ma-gapgijagipa ong-jawaha.



15

Be-enni bakrang gita Jisuni mondolina ka-sae on-anirango, 1 Korinthingna 12:1-18 o WatatarangPaul janapa. Katchinikani gisikko on-anikoa be-enni badiagipa bak dingtangmancha nambatsrange mesoka?

“Skango Isrealo, Isolo sing-na mande re-angon, ua indake aganachim, ‘Hai an-ching ua nisogipaona re-na’; maina da-o katchinikgipa ine minggipako skangon nisogipa ine mingachim” (1 Samuel 9:9).

Aganchakani: Katchinikgipako basakobade nisogipa (je mandean mikkangchini gimin niksoa) ine mingahani gimin, mikronan katchinikani gisikko dingtangmancha nambatsrange mesokgipa ong-a.

16

Katchinikani gisikara mondolini mikron ong-a ong-ode, ia katchinikani gisik donggijagipa mondoliara maidakgipa ong-genchim?

Aganchakani: Ua kanagipa ong-genchim. Iani kenbegniko indake agananichi Jisu mesoka, “Mikgri mikgriko dilode, sakgnian a-kolo ga-akgen” (Mati 15:14).

17

Kristoni on-gipa pilak ka-sae on-anirangan Isolni dongpitigipa mondolio dongna gita nangama?

Aganchakani: Oe. Sastro rongtalen skianiko daka, chong-motan bon-kaman-somoini Isolni mondolio “mamung ka-sae on-anio sokgija ong-ja,” jeni miksonganian katchinikani gisikko man-chape, pilak ka-sae on-anirangan uo dongna nanggen (1 Korinthingna 1:5-8).

☑ Watatarang ☑ Katchinikgiparang ☑ Skiprakgiparang (Evangelists) ☑ Pamongrang ☑ Skigiparang (Teachers)

18

Bon-kaman-somoini Isolni dongpitigipa monolio “Jisuni sakki” donggen ine **Parape-a 12:17** mesoka. **Parape-a 19:10** indake agana “Jisuni sakkia katchinike aganani gisik ong-a.”

Iani miksonganiara ua monolio katchinikgipa donggen inen ong-chongmota ine an-chinga jajrengchaka gri u-ina man-genma?

Aganchakani: Oe. **Parape-a 19:10** o sa-gre, WatatarangJohanna indake agana chong-motan ua Johanni aro “jongadarangni, nokkolska ong-gipa” saksa ong-a jean Jisuni sakki donga. Ia apsan sa-grean

Parape-a 22:9 oba apsandakgipa kattarangkon agantaiaha, je “Anga nang-ni, aro nang-ni jongada katchinikgiparangni ... nokkolska ong-a.” Iano “Jisuni sakki” ingipani palo “katchinikgiparangni” ine ingipa uni kattako name nibo. Uni gimin “Jisuni sakki” dongani aro katchinikgipa ong-ani, ia minggnian apsankon miksonga.



19

“Jisuni sakki” ingipa kattarangni maia minggipin gamchatanirang gnang?

Aganchakani: “Jisuni sakki” ingipa kattaranga Jisuoni re-bagipa katchinikgipani kattarang ine miksongani ong-a. Kakketgipa katchinikgipani kattarango an-ching, an-chingna Jisuoni re-bagipa dingtangmanchagipa nama katta ine ra-na nanga (**Parape-a 1:1; Amos 3:7**). Kakketgipa katchinikgipani kosako, jedakgipa ra-chakgijanirang ong-ja maina, uarang namen kenbegniparang ong-a. Ian Jisuni kosako jeaniko ra-baani baksa apsana, jean uamangko watatachim aro dilachim. Aiao inmana nanggijan Isol mikrakataniko on-a, “Angni katchinikgiparangna mamung namgijako daknabe” (**Gitrang 105:15**).



20

Sastroni gita kakketgipa katchinikgipako ra-chakanirangara maiarang?

Aganchakani: Sastroni gita kakketgipa katchinikgipako porika ka-e nianiranga ka-mao sulsul segiminrangan ong-a:

- A. Isolni namnikgni gita janggi tanga (**Mati 7:15-20**).
- B. Kam ka-china Isolni okamaniko man-a (**Isaia 6:1-10; Jeremia 1:5-10; Amos 7:14, 15**).
- C. Aganania aro sea jotanio Satro baksa melia (**Isaia 8:19, 20**).
- D. Mikkangchi ong-gnirango agansoanirang chu-sokgipa ong-a (**Deuteronomy 18:20-22**).
- E. Mikjumang nikanirang donggen (**Chanani 12:6**).

Aganchakani: Oe – Ua watataha! Ka-mao kan-dike talataniko dakenga:

Isol Chadambe Me-chikko Okama

Bon-kaman-somoini Isolni mondoliara 1840 bilsil joloni a-bachengbaaha aro ka-donga gri ong-e re-dilgipako nangaha. Indake, Uni **Amos 3:7** o ku-rachakaha gitan, Isol chadambe me-chik, Ellen Harmon minggipako Uni katchinikgipa ong-china okamaha. Ellen okamaniko ra-chakaha. Ua bilsil sku ong-on saknaako man-e, bilsil gittamna mangmangsang skia poraniko dakemung dongtangna nangaha. Uni bilsil 17 ong-ahao Isolni uko okamukujana kingking uni saknaani namjabatoroaha, jeon uni jria 70 poundssan (31.75 kgs) ong-aiahachim aro sinasa nisengsoengahachim.

Ua Bilsil 70 Dangdikaha

Uan uko be-en bimang mangrakatgen aro sontolatgen ine ma-sia gnanng Ellen, Isolni okamaniko ra-chakaha. Ua bilsil 70 janggi tangdape, bilsil 87 ong-o siaha. Uni nisan aro kamara manderangko mondoliona dilna aro mondolini manderangkoa Sastroona dilna ine ua kimkime miksongaha – jean bebera-aniko bilakatna aro rongtalaniko Jisuni indin on-aniona ong-a. Ia Poraiani o janapgipa katchinikgipako porika ka-e niani mingantion Ellen chu-sokgipa ong-aha.

Uni Bimungko Mingjitani aro Ki-taprang

Ellen, saksa toromko dilgipa, James White minggipako bia ka-aha, aro an-tang bimungko Ellen G. White ine seskaaha. Ua a-gilsako ki-tapko sebatranggipa me-chikrangoni saksa ong-aha. Uni ki-taprangko a-gimikon poraia, aro an-sengbaljokani, skia porani, cha-a ring-ani, Kristian nokdangni, dedrangko

simsak nirokani, ki-taprangko chap ka-ani aro seani, nangenggiparangna dakchakani, nokkol pamong ong-ani, skipragkipa ong-ani, Kristian janggi tangani, aro uandakgiparangni bidingo uni ku-pattianirang manderangni gisikna didianiko on-aha. Uni Education minggipa ki-tap skia porani a-bao namen bil gnannggipa ine chanako man-aha. Dr. Florence Stratemeyer, jean Columbia Universityni gitcam education professor ba skigipa ong-achim, ua ki-tapo “skia porani bidingo jakkalna nanggipa namen chu-soksranggipa chanchianirang ba budirang” donga aro “uarang bilsil sotbongana skangan dongsoaha” ine aganaha. Dr. Clive McCay, jean Cornell Universityni gitcam nutrition professor ong-achim, uni an-seng baljoke dongani bidingo seanirangni gimin indake aganaha: “Kakket ong-an baksana Mrs. Whiteni kamrangara ia chasongo cha-a ringani bidingo am-sandianiko dakna skangan inditan skange sesogiparang ong-a, aro da-alo una bate pilakni gitan dilgipa nambata gipin gri.” Koborko poraitimgipa gitcam Paul Harvey indake aganaha, ua “dal-rorona aro be-en bimangko an-senge rakkena cha-a ringani gimin namen ning-tue u-iani gnanng seaha chong-motan uni bang-a seanirangoni pilakan minggnina agre science baksa ma-gapa.” Uni Cha-songni Ma-ringani minggipa ki-tap, jeon Kristoni janggi tangani gimin seahachim, Londonni Stationer’s Hallo “English nambatsranggipa” ine mingako man-aha. Ian talatna amsokpilgija rasong aro de-doani ong-a. Mrs. White gisik seng-ani bidingo u-igipa manderangni ra-chakna adita skangan indake aganaha je mandeni gisikni gita seng-ani (IQ) baridapna man-a. Ua 1950 bilsion indake aganaha je, cancerara rokomsa sabisiko ong-atgipa jo-ong ong-a, jekon medical sciencede 1950 jolosa parakna Abachengaha. Dingtang dingtang ku-sikrangona pe-batsranggiparangoni brigipa ki-tap segipa ine Ellenko mingaha. Uni Kristian janggi tangani bidingo segipa, Kristoona Ja-kurang ingipa ki-tapko ming 150 ku-sikrangna baten pe-aha. (Ia gisiko nangatbegipa ki-tapko indin man-na sikgenchimode, Amazing Factsona seachi u-iatbo.)

22

Ellen Whiteara mikjumangrango nikanirang dongama?

Aganchakani: Oe – nikanirang bang-bea. Uarang adita minitrangoni konta dokna kingking ru-utachim. Ia Poraiani ni sing-ani nombor 7 na aganchakgipa Sastroni pilak sakkirangkon uni mikjumang nikanirango nikna man-aha.

23


Ellen Whiteni kattarangara Sastroni bakanma ma Sastrona on-dapna inesa miksongani ong-ama?

Aganchakani: Ong-ja. Mondolini pangchakani Sastro mangmangsan ong-aia. Bon-kamgipa somoini katchinikgipa ong-e, uni miksonganiana Jisuni ka-saaniko aro Uni bakbak re-banasienganiko sualna ong-a. Una dangdike on-china aro Uni rongtalaniko indin on-ani gita ra-chakchina ua manderango didiaha. Aroba ua manderangni gisikko Sastroni bon-kaman somoina katchiniksogiparangona ramako mesokaha – dingtangmancha Jisuni ia chasongna minggittam nama kattarangko on-gipaona ua manderangna ramako mesokaha (**Parape-a 14:6-14**). Ia ka-dongani nama kattarangko a-gimikna ta-rake sualchina ua didiaha.

24

Ellen Whiteara Sastro baksa melie aganama?

Aganchakani: Oe! Uni seanirangara Sastrochi gapatgiminrang ong-a. Uni kattarangni miksonganiana manderangna Sastroni ramako mesokna inen ong-a. Uni kattarang mamungdakeba Isolni Katta baksa bikpilgipa ong-ja.



25

Ua maiko seachim uko ma-sigija, anga maikai Ellen Whiteko kakketgipa katchinikgipa ine ra-chakgen?

Aganchakani: Na-a uni seanirangko poraikujana dipetde ra-chakna man-jawa. Indioba, na-a iarangko ma-sina man-skagen (1) Isolni chong-motgipa aro bon-kaman somoini mondolode katchinikgipa dongna nangchongmota, jedake (2) Ellen Whiteara katchinikgipako porika ka-e nianio chu-sokgipa ong-aha, aro jedake (3) ua katchinikgipani kamko ka-aha. Uni ki-tangrango king-sako am-emung poraie nie an-tangko nie nibo ine chinga nang-ko didia. [Dam ragjijagipa The Desire of Ages (Chasongrangni Ma-ringani) ki-tapko Amazing Factsoniko brena man-gen.] Na-a uko poraion, an-tangko indake sing-bo, iara angko Jisuona salengama aro iara Sastro baksa meliama. Chinga chanchia na-a uko gisiko nangatchongmotgipa ine nikgen. Uko nang-nan seaha!

Chasongni Ma-ringani

Agangimin dal-batsranggipa golpo



E. G. WHITE

26

WatatarangPaul, katchinikgipani bidingo an-chingna mai minggittam ge-etanirangko daka?

“Katchinike aganarangko chonniknabe; indiba pilakkon nie u-ibo; namako rakkibo” (1 Thessalonikarangna 5:20, 21).

Aganchakani: An-ching katchinikgipako chonnikna ba “gelna” nangja ine Paul agana. Uni palo, an-ching katchinikgipani agananirangko aro uni daka kamrangko Sastrochi simsakbee porika ka-e nina nanga. Katchinikgipani kattarang aro dakbewalrang Sastro baksa meliode, an-ching uarangna gisik on-na nanga. lakosa Jisu An-tangni bon-kaman somoini manderangko ia chasongo dakchina agana.

27

Kakketgipa katchinikgipani ku-pattianirangko aro kattarangko jegalanikora Jisu maidake channa?

Aganchakani: Kakketgipa katchinikgipako jegalaniko Jisu, Isolni skaniko jegalani gita channa (Luk 7:28-30). Aroba, ua indake agankua je gisikni gita silrooanide Uni katchinikgipako bebero-aniosa pangchaka (2 Serikani 20:20).



Rongtalgipa Sastro

28

Bon-kaman somoini kakketgipa katchinikgipara gital banaie skianisama ma Sastroon kimkime skiani dongama?

Aganchakani: Bon-kaman somoini kakketgipa katchinikgipade banie skigipa ong-ja (**Parape-a 22:18, 19**). Pilak skiarangni ja-pangde Sastroan ong-a. Indioba, kakketgipa katchinikgiparanga iarangko daka:

- A. Namen gisiko nangatbegipa Sastroni gital skianirangko paraka jekon katchinikgipachi talatkujana kingkingde altuae ma-sina man-jachim (**Amos 3:7**).
- B. Isolni manderangko Jisu baksa chapchapbate re-aona aro Uni Kattako ning-tubate poraiaona dila.
- C. Isolni manderangni Sastroni bakko ma-sina neng-aniko, rongtale ma-sigijaniko, ba badiaba bakrangko nikchangalaniko ma-sina dakchaka jedakode uarang an-chingna rang-san ding-chaoataniko aro dal-gipa katchaaniko ra-bagen
- D. Isolni manderangko ong-gija bebera-aoniko, tol-napaoniko, aro gisikni gita siangaoniko warachakanio dakchaka.
- E. Isolni manderangna bon-kaman somoina katchiniksoanirangko u-ina dakchaka jean, gitalgipa miksonganirangko salantio ong-enggipa obostarangi koborrangchi chu-sokengaha ine ta-rake paraka.
- F. Isolni manderangna Jisuni bakbak re-bapilenganiko aro a-gilsak bon-nasienganiko u-ina dakchaka.

Jisuna ning-tue ka-sabatana, Sastroni gimin teng-sugipa gital katchaaniko man-na, aro ma-sikugijagipa Sastroni katchiniksoanirangko ma-sibatna gita – bon-kaman somoini Isolni katchinikgipako knachakbo. Teng-sugipa gital dake janggi tangaona nang-ko dilangenganiko na-a nikna man-gen. Gisik ra-bo, Ua An-tangni bon-kaman somoini mon-donliko jakkaltobegipa katchinikani kattarangchi pattigen ine Jisu aganaha. Isolna rasong ong-china! Ua An-tangni bon-kaman somoini manderangna salgioni dakna ama pilakkon dakenga. An-tangni manderangko jokate uamangko Uni jringjrotni songnokona rimangna Ua miksongenga. Uko kimkime ja-rikgiparang jajaani grian salgio napegen (**Mati 19:27-29**).

U-ie Ra-bo: Ian **Parape-a 14:6-14** ni sa-gre sakgittamni nama kattarangni bidingo skugipa aro bon-kamgipa Poraiani ong-a. Minggipin ja-pang kattarangni bidingo minggittam ga-subegipa Poraiani dongkuenga.

29

Na-ara Ellen Whiteni seanirangko Sastrochi cheke nina aro uarang Sastro baksa meliode uko ra-chakna skengama?

Nang-ni Aganchakani:

Nang-ni Sing-anirangna Aganchakaha

1. Mondolio katchinikgipa dongjaode mai ong-gen?

Aganchakani: Isolni nikatani [katchikani] grion manderang skatangko dakgipa ong-a; indiba niamko rakkigipa uan kusi ong-a (**Toe Skianirang 29:18**). Jensalo mondolio ku-pattina, re-dilna aro Jisuona diltaina katchinikgipa, aro Sastro dongjaode, manderang branggen (**Gitrang 74:9, 10**) aro ka-sine ka-sine gimagen.

2. Da-oni aro Jisuni re-bapilengani somoini gisepo on-dapgipa kakketgipa katchinikgipa donggenma?

Aganchakani: **Joel 2:28, 29** o pangchake, ian ong-na ama. Tol-gipa katchinikgiparanga donggen (**Mati 7:15; 24:11, 24**). An-ching Sastrochi katchinikgiparango cheke nina tarigiparang nanga (**Isaia 8:19, 20; 2 Timothy 2:15**), uamangni ku-pattianirang kakketgipa ong-osan uarango an-ching ra-chakna nanga. Manderango de-mesana, mikrakatna, aro Jisuona aro Uni Kattaona uamango rimbapil-taiatna gita katchinikgipako basako nangachim Isol namen ma-sia. Egyptoniko An-tangni manderango rimongkatbana gita Ua katchinikgipako (Moseko) watataha (**Hosea 12:13**). Jisuni skanggipa changna a-gilsakona re-baanina manderango tarisona gita Ua katchikgipako (Johan Napbolatgipako) watataha (**Mark 1:1-8**). Ia bon-kaman somoina katchinikani kattarangko on-na gitaba Ua ku-rachakaha. An-chingko Sastroona aro uni (Sastroni) bon-kamgipa salni katchiniksoanirangona dilna; [an-chingko] bilakatna, didina aro kimkimatna; aro Jisu gita an-chingko ong-atna Isol katchinikgiparango Watatarang Uni gimin hai an-chinga katchikani kattarangko ra-chaksona aro an-chingni namgninan uamango watatenganina Isolna rasongko on-a.

3. Maina bang-bata mondolirangon da-alo katchinikani gisik dongja?

Aganchakani: **Kalimani 2:9** o indake agana, “Niam grigipa jatrangni gisepo ... uni katchinikgiparanga Jihavaoni nikaniko man-ja.” **Ezekiel 7:26, Jeremia 26:4-6, Ezekiel 20:12-16, aro Toe Skianirang 29:18** rangoba, jensalo Isolni manderang Uni ge-etanirango mandera-ja unon katchinikgiparang Uoniko nikaniko man-ja ine mesoka. Jensalo uamang Uni ge-etanirangna bama unon Ua uamango didina aro dilna katchinikgipako Watatarang Jen somoio bon-kaman somoini Isolni mondoli Neng-takani Salna ge-etaniko man-chape, pilak ge-etanirangon rakkina re-mikkanga, unon katchinikgipana somoio ong-aha. Isol kragipa somoio katchinikgipa saksako watatgen.

4. Katchinikaniko an-tangna orto gnanbegipa ong-atna na-ara maiko dakna man-gen?

Aganchakani: Na-a an-tangna uko am-sandie nibo aro Isolo bi-a gnan uko ja-rikbo jedakode Jisu An-tangni re-bapilenganina nang-ko tarisamsona man-gen. “Anga pangnan na-simangni gimin Isolko mitela; maina pilakkon, chong-motan pilak katta aro pilak u-ianio, Uo na-simangko gam gnanagataha; jekai na-simango Kristoni sakkiko [katchinikani gisik] mangrakataha; indake na-simang, chingni Gitel Jisu Kristoni parape-ako nisengsoon, mamung ka-sae on-anio sokgija ong-ja. Aro an-chingni Gitel Jisu Kristoni salo matnanga gri ong-na gita, ua na-simangko chon-kamaona kingking mangrakatgen” (**1 Korinthirangna 1:4-8**).

5. Isolni dongpitigipa mondoliora katchikani gisik dal-bate kamko dakama, ma gipin ku-sikko agananisa dal-bate daka?

Aganchakani: Katchinikani gisiksa dilgipani kamko daka. **1 Korinthirangna 12:28** o, pilak nangchongmotgipa on-anirangoni uko gnigipa dake donaha, je gipin ku-sikko agananikora bon-kamgipa dake donaha. Mondoli katchinikani gisik gride kana ong-a. Bon-kaman somoini An-tangni mondoliko kana ong-ani kenbegnini gimin

Jisu mikrakata, aro uamang nikna man-na gita salgini tochi uamangni mikronrango Una nongna on-china Ua didia (**Parape-a 3:17, 18**). Ua toara Gisik Rongtalgipako miksonga (**1 Johan 2:20, 27; Johan 14:26**), aro jean mondolina pilak on-nanirango on-gipa ong-a (**1 Korinthisrangna 12:4, 7-11**). Isolni kattarangna gisik on-e katchinikgipa bon-kaman somoini Uni manderangko Sastroko ma-sina dakchakgen aro ma-sigijaoniko aro jajaoniko naljoke rakkigen.

6. “Sastroosan mangmang” an-ching bebera-aode, an-chingara chasong gitalni katchinikgiparangko jegalna nanggenma?

Aganchakani: Kristianrangni ja-pang ja-dilara Sastroosan mangmang ong-a. Indioba, ia apsan Sastroan indake mesoke on-a: Bon-kamgipa somoiona kingking Isolni mondolio katchinikani gisik donggen (**Ephesurangna 4:11, 13; Parape-a 12:17; 19:10; 22:9**). Katchinikgipani ku-pattianiko jegalaniera Isolni skaniko jegalanian ong-a (**Luk 7:28-30**). Katchinikgiparangko porika ka-e nichina, aro uamang Sastro gita agangenchimode aro janggi tanggenchimode uamangni ku-pattianiko ja-rikchina an-chingko ge-eta (**1 Thessalonikarangna 5:20, 21**). Uni gimin, manderang jemangan uamangni bebera-aniko “Sastroosan mangmang” pangchakengachim, katchinikgiparangni bidingo Sastroni ku-pattianirangkoba ra-chaknan nanggen. Kakketgipa katchinikgiparangde pangnan Sastro baksa meli-ma-gapgen. Katchinikgiparang jemang Sastro baksa meli-ma-gapja uamangde tol-gipa katchinikgiparangs aro uamangkode jegalnan nanga. An-ching katchinikgiparangko knatime porika ka-e nina man-jaengode, an-chingara an-chingni bebera-aniko Sastroo pangchakjaenga.

Nang.ni agananiko ba sing.anirangko iano sebo

Ia Poraianiko Dakdilani lesson 27ni lesson sa ong-a.

Poraianiko Dakdilani lessonprakon aiao in mangipa chong-mot ong-anirangchi gapataniko man-aha jean nang-na aro nangni nokdangna namgni ong-gen. Mingsakoba watchanggalnabel!

Poraiani 15: Antichrist Sawa?

Poraiani 16: Kosakoni watatgipa Sa-greni Nama Kattarang

Poraiani 17: Isol Miksonganirangko Tarisoaha

Poraiani 18: Tik Dongimin Somoio!

Poraiani 19: Bon-kamgipa Bichal Ka-ani

Poraiani 20: Matburungni Chin

Poraiani 21: Sastroo USA ko Katchinike Agansoani

Poraiani 22: “Sakgipin” Me-chik

Poraiani 23: Kristoni Namchik

Poraiani 24: Isolara Sima Nigiparangko Dilahama?

Poraiani 25: An-chingara Isolo Ka-dongchakama?

Poraiani 26: Dingtangatna Man-gipa Ka-saani

Poraiani 27: Re-bapilani Dongjava

Jensalo na-a Poraini 14 ni skanggipako matchotahaon, bang-bate poraidapaniko dakna chingoniko bi-atbo:

Amazing Facts India, Post Box No 51, Banjara Hills, Hyderabad -500034

la Summary Sheet-ko matchotna skang ia lesson-ko poraichengbo. Aganchakani gimikkon Study guide-o man.gen. ong.gipa aganchakani-o check(✓)- ko donbo. **Parenthesis-o ong.gipa number-rang (1) badita ming aganchakanirang ong.a uko mesoka.**

Form-ko gapatna “Adobe reader” ko jakkalbo.

1. **Ka-sapae ka-mao on-sogiminrangoni apsangipa orto gngangiparango basebo: (4)**
Jisuni Sakki
Katchinikaniko on-ani
Gipin ku-sikko aganani
Sigiminrang baksa agangrikani
Katchinikani gisik
Montol dakgiparangni agansoani
Mondolina katchinikgiparangni aganani
2. **Me-a aro me-chik dolgninan Isolara katchinikaniko on-ama? (1)**
Oe. On-ja.
3. **Ephesusrang odai 4ni gitade, maia mingbonga on-anirango Jisu mondolina Uni salgichina doango donangaha? (5)**
Katchinikgiparango
Skigiparango
Git ring-anirango
Nang-giparanga sualrimaniko
Pamongrangko
Watatarango
Sakki on-giparango
Aganprangkparango
4. **Katchinikgiparango man-chape, ia mingbonga on-anirangara baditana ru-ute mondolio donggen? (1)**
Niam Gitalni Katchinikgiparangni siaonasan
Bichal ka-ani Abachengaona
A-gilsak bon-aona
5. **Sastroni gita, ka-mao sulsul segiminrangoni katchinikgiparangni nikaniko nikmitingo badiagiparang kakketgipa bewalrang ong-a? (5)**
U-igijagipa ku-sikchi agana
Nikaniko nikmitingo pangnaba aganja
Mikronrangko mikrake donga
Ka-karak dakgipa ong-ronga
Uamango rang-sitani biba dongja
Nikaniko nikmitingo basakobade agana
A-gilsakni samtangtango ong-enga obostarango u-ija
Aiao inmangipa bilakani bilko man-a
6. **Aiao inmangipa kamrangko ka-anichin pangnan katchinikgipakoa Isoloni ong-a ine sakkiko on-a. (1)**
Ong-a. Ong-ja.
7. **Uo iako nikgenchimode, ia katchinikgipa Isoloni ong-chongmotani ine anga ma-sina man-gen. (1)**
Ua namgipa aro ka-sachakan gapgipa ong-ode.
Aiao inmanpilgipa kamrangko namedake dakgenchimode.
Aiao inmanpile teng-sugenchimode.
Sastroko namedake ma-sia ine nikgenchimode.
Jisu gita nikgenchimode.
Sastro baksa melie agangenchimode aro kamrangko dakgenchimode.
8. **Iarangoni badiagipako Sastro beng-ja? (1)**
Mikkangchini gimin montol dake agansoaniko.
Memang muni pigiparangni kamrangko.
Sal, ja, askirango nie agananirango.
Montol dake aiao inmangipa kamrangko dakaniko.
Jadu montol dakani ba rosari manganirango.
Sigimin janggirang agangrikani.
Katchinikgipani Sastro baksa melie agananiko aro janggi tanganiko.
9. **Katchinikgipani mongsonggipa kamara mondolina dangdikianian ong-a. (1)**
Ong-a. Ong-ja.
10. **Mondolio kakketgipa katchinikgipa dongjagenchimode bon-kaman-somoini Isolni kakketgipa mondoli ong-na man-jawa. (1)**
Ong-a. Ong-ja.
11. **Badiagipa be-enni bak katchinikani mesoka? (1)**
Ku-sik
Jakrang
Ja-arang
Nachilrang
Mikronrang
12. **Bon-kamgipa somoini kakketgipa on-daggipa katchinikgiparang Jisuni re-bapilna skang ong-akatnaba donga. (1)**
Ong-a. Ong-ja.

13. **"Sastro mangmanko" ja-rika inon kakketgipa katchinikgipako ra-nan nanggen. (1)**
Ong-a. Ong-ja.
14. **Katchinikani gimin 1 Thessalonikrangna 5:20, 21 o maia minggittamko Sastro dakchina ge-eta? (3)**
Katchinikanirangko ba katchinikgiparangko chonniknabe.
Pilak katchinikgiparangkon ja-rikaibo.
Katchinikgipani kattarangko aro kamrangko Sastrochi cheke ba porika ke-e nibo.
Kakketgipama, tol-gipa uko katchinikgipaon sing-bo.
Jean nama ba ong-a uko bebera-bo, ba kimkime ja-rikbo.
Pilak katchinikgiparangkon jegalaibo.
15. **Jensalo an-ching kakketgipa katchinikgipani ku-pattinirangko jegalon, Isolni ku-pattianikoba jegalgipa ong-a. (1)**
Ong-a. Ong-ja.
16. **Bon-kaman-somoini kakketgipa katchinikgiparangde Sastroo donggijagipa skianirangko skigen. (1)**
Ong-a. Ong-ja.
17. **Maina bang-bata toRomrangna ba mondirangon kakketgipa katchinikgiparang dongja? (1)**
Kakketgipa katchinikgiparang re-bagenchimoba uamang bebera-jawachim.
Uamang Isolni pilak ge-etanirangko rakkijaenga.
Katchinikgipa grian uamango chu-onga gita seng-ani donga.
18. **Jeon nikanirang dongja, manderang branga. (1)**
Ong-a. Ong-ja.
19. **Katchinikani dongjaode mondoli kana ong-a. (1)**
Ong-a. Ong-ja.
20. **Anga Ellen Whiteni seanirangko Sastrochi porika ka-e nina, aro uarang Sastro baksa meli-ma-gapgenchimode uarangko ra-chakna skenga.**
Ong-a. Ong-ja.

Kosako sing.anirangna bon.e aganchakbo!



Nang.ni bimung, email aro phone no. ko enroll ka.na gita gapatbo.
Nang.ni minggipin indin on.gipa Study guide-ko man.a gita "Submit" ingipao click ka.bo.

Nang.ni bimung :				
Nang.ni Email :				
Phone Number :				
Nang.ni Address :				
City, District :	State :	Country :		
Pin :	Bils :	Misi :		

Nang.ni contact info-ko tik dake on.bo